

# Lëvizja FOL

Pasqyrat Financiare

31 Dhjetor 2019

**PËRMBAJTJA:**

Opinion.....	1-3
Pasqyra e të ardhurave gjithëpërfshirëse.....	4
Bilanci i pozitës financiare.....	5-6
Pasqyra e rrjedhës së parasë.....	7-8
Shënime shoqëruese të Pasqyrave financiare.....	9-11
Shënime mbi Pasqyrat financiare.....	12-23

# Raporti i Audituesit të pavarur mbi auditimin e pasqyrave financiare

## Lëvizja FOL

Bordit Këshillëdhënës  
Andrea Grova nr.35  
Prishtinë

## Opinionit

Kemi audituar pasqyrat financiare të Lëvizja FOL, të cilat përbëhen nga pasqyra e pozicionit financiar me 31 dhjetor 2019, pasqyra e të ardhurave dhe pasqyra e rrjedhës së parasë për vitin që përfundoi në atë datë, dhe shënimet e pasqyrave financiare, përfshirë një përmbledhje të politikave më të rëndësishme kontabël.

Sipas opinionit tonë, pasqyrat financiare paraqesin drejtë, në të gjitha aspektet materiale, pozitën financiare të Lëvizja FOL me 31 dhjetor 2019, të performancës financiare dhe rrjedhës së parasë për vitin që përfundoi në atë datë dhe janë në pajtueshmëri me Standardet Ndërkombëtare të Raportimit Financiar për Ndërmarrjet e vogla dhe të mesme dhe Ligjin 06/L-43 "Për lirinë e asociimit në institucionet joqeveritare".

## Baza për opinionin

Auditimin e kemi kry në pajtueshmëri me Standardet Ndërkombëtare të Auditimit.

Përgjegjësitë tona sipas këtyre standardeve janë përshkruar më tutje në seksionin "*Përgjegjësitë e auditorit në auditimin e pasqyrave financiare*" të këtij raporti.

Jemi të pavarur nga organizata në pajtueshmëri me Kodin e Etikës për Kontabilistët Profesionist të Bordit Ndërkombëtar të Standardeve të Etikës së bashku me kërkesat që janë relevante gjatë auditimit të pasqyrave financiare në Kosovë, dhe kemi përmbushur përgjegjësitë tona etike në pajtueshmëri me këto kërkesa.

Besojmë se evidanca e përftuar e auditimit është e mjaftueshme dhe e përshtatshme për të ofruar bazë të arsyeshme për opinion.

## Theksim i çështjes

Ne tërheqim vëmendjen në Shpalosjen "Parimi i vijimësisë së afarizmit" (Fq.16.) dhe "Ngjarjet pas përfundimit të periudhës së raportimit" (Fq.23) të pasqyrave financiare, që përshkruajnë efektet e përhapjes së pandemisë COVID-19 në vijimësinë e aktiviteteve të tanishme të organizatës dhe në periudhat e ardhshme raportuese.

Opinionit ynë nuk është ndikuar nga këto çështje.

## **Vijimësia**

Pasqyrat financiare, janë përgatit mbi bazën e vijimësisë, drejtimi nuk ka për synim likuidimin as ndërprerjen e veprimtarisë për 12 muajt e ardhshëm.

Auditimi nuk ka identifikuar ekzistencën e ngjarjeve apo kushteve të cilat krijojnë dyshime mbi aftësin e organizatës për të vazhduar në vijimësi.

## **Përgjegjësitë e drejtimi dhe personave të ngarkuar me qeverisjen për pasqyrat**

Drejtimi është përgjegjës për përgatitjen dhe paraqitjen e drejtë të pasqyrave financiare në pajtueshmëri me Standardet Ndërkombëtare të Raportimit Financiar për Ndërmarrjet e vogla dhe të mesme dhe për kontrole për të cilat drejtimi mendon se janë të domosdoshme për të mundësuar përgatitjen e pasqyrave financiare pa anomali materiale, qoftë për shkak të mashtrimit ose gabimit.

Në përgatitjen e pasqyrave financiare, drejtimi është përgjegjës për vlerësimin e aftësisë së organizatës të vijojë sipas hipotezës së vijimësisë, duke shpalosur, nëse është e zbatueshme, çështjet lidhur me hipotezën e vijimësisë dhe duke përdorur bazën e kontabilitetit bazuar në vijimësi përveç nëse drejtimi ka për qëllim të likuidojë ose të ndërpresë aktivitetet, ose nuk ka ndonjë mundësi tjetër përveç të veprojë në këtë mënyrë.

Personat e ngarkuar me qeverisjen janë përgjegjës për mbikqyrjen e procesit të raportimit financiar.

## **Përgjegjësitë e audituesit në auditimin e pasqyrave financiare**

Objektivat tona janë të përfitojmë siguri të arsyeshme nëse pasqyrat financiare, si tërësi, nuk përmbajnë anomali materiale, qoftë për shkak të mashtrimit ose gabimit dhe të japim një raport të auditimit që përfshinë opinionin tonë. Siguria e arsyeshme është nivel i lartë i sigurisë, por nuk është siguri absolute se auditimi i kryer sipas Standardeve Ndërkombëtare të Auditimit gjithmonë do të zbulojë anomali materiale në rast se ato ekzistojnë. Anomalitë mund të paraqiten si rezultat i mashtrimit ose gabimit dhe konsiderohen që janë materiale nëse, individualisht ose të grumbulluara, mund të ndikojnë në vendimin që marrin përdoruesit duke u bazuar në këto pasqyra financiare.

Si pjesë e auditimit në pajtueshmëri me Standardeve Ndërkombëtare të Auditimit, ne kemi ushtruar gjykimin profesional dhe kemi ruajturë skepticizmin profesional përgjatë tërë auditimit.

Ne gjithashtu jemi përgjegjës të:

Identifikojmë dhe vlerësojmë rrezikun e anomalive materiale të pasqyrave financiare, qoftë për shkak të mashtrimit ose gabimit, organizojmë dhe kryejmë procedurat e auditimit si përgjigje

ndaj këtyre rreziqeve dhe përfitojmë evidenca të auditimit që janë të mjaftueshme dhe të përshtatshme për mbështetjen e opinionit tonë. Rreziku i mosbulimit të anomalive materiale për shkak të mashtrimit është më i lartë se ai i shkaktuar nga gabimet, pasi që mashtrimi mund të përfshijë marrëveshjet e fshehta, falsifikimin, mospërfshirjen e qëllimshme dhe keqinterpretimin ose anashkalimin e kontrolleve.

Përfitojmë njohuri mbi kontrollet e brendshme që janë të rëndësishme për auditimin në mënyrë që të planifikojm procedurat e auditimit që janë të përshtatshme për ato rrethana, por jo me qëllim të japim një opinion mbi efikasitetin e kontrolleve të brendshme të organizatës.

Vlerësojmë përshtatshmërinë e politikave të përdorura të kontabilitetit dhe arsyeshmërinë e vlerësimeve kontabël dhe shpalosjeve përkatëse nga drejtimi.

Përfundojmë mbi përshtatshmërinë e hipotezës së vijimësisë e përdorur nga ana e drejtimit dhe bazuar nga evidenca e përfituar e auditimit, nëse ekziston ndonjë pasiguri materiale lidhur me ngjarjet ose kushtet që mund të hedhin dyshim domethënës mbi aftësinë e organizatës për të vijuar ekzistencën. Nëse arrijmë në përfundim se ekziston një pasiguri materiale, nga ne kërkohet të tërheqim vëmendjen në raportin e auditimit, në shpalosjen përkatëse të pasqyrave financiare ose, nëse një shpalosje e tillë është e pamjaftueshme, ta modifikojmë opinionin tonë. Përfundimet tona janë të bazuara në evidencat e auditimit të përfutuara deri në datën e raportit të auditorit, mirëpo, ngjarjet dhe kushtet e ardhshme mund të shkaktojnë që organizata të mos vijojë aktivitetet e saj.

Vlerësojmë paraqitjen e përgjithshme, strukturën dhe përmbajtjen e pasqyrave financiare, përfshirë shpalosjen, nëse pasqyrat financiare përfaqësojnë transaksionet dhe ngjarjet përkatëse në mënyrë që të arrihet paraqitja e drejtë.

Me personat e ngarkuar me qeverisjen, kemi komunikuar, në mes tjerash edhe lidhur me fushëveprimin e planifikuar, kohën e auditimit dhe gjetjet domethënës të auditimit, përfshirë çfardo mangësi domethënës në kontrollin e brendshëm të identifikuar gjatë auditimit tonë.

Prishtinë 22.05.2020.


**Audit Office Shpk**

Ulpiana D1/7 H8, Prishtinë

Shaban Muharremi

Auditor Ligjor,

044 112-036.



**Lëvizja FOL**

Pasqyra e të ardhurave gjithëpërfshirëse

Për 01.01- 31.12.

Në €.

	Notat	Shpjegim Fq.	2019	2018
<b>Të hyrat</b>				
Donacionet	1	20	147,611	180,921
Të hyrat e shtyra	2	22	-34,600	-27,451
<i>Totali i të hyrave</i>			<u>113,011</u>	<u>153,470</u>
<b>Shpenzimet</b>				
Programet	3	20,21	28,572	42,654
Personeli,administrata	4	20,21,22	84,439	110,816
<b>Totali i shpenzimeve</b>			<u>113,011</u>	<u>153,470</u>

**Lëvizja FOL**  
**Bilanci i pozitës financiare**

**31.Dhjetor**

Në €	Notat	Shpjegim Fq.	2019	2018
<b>I Pasuritë</b>				
<b>A. Afatshkurtra</b>				
Paraja dhe ekuivalentët e parasë	5	18,19	34,767	29,545
Llogarit e arkëtueshme nga grantet		17	-	4,982
<b>Totali i pasurive afatshkurtra</b>			<b>34,767</b>	<b>34,527</b>
<b>B. Afatgjata</b>				
Pasurit dhe Pajisjet			-	-
<b>Totali i pasurive afatgjata</b>			<b>-</b>	<b>-</b>
<b>Totali i pasurive A+B</b>			<b>34,767</b>	<b>34,527</b>
<b>II Detyrimet</b>				
<b>A. Afatshkurtra</b>				
Llogaritë e pagueshme	8	17	122	1,004
Tatimet dhe Pensionet e Pagueshme	7,8	22	46	1,090
Te Hyrat e Shtyra	2	22	34,600	32,433
<b>Totali i detyrimeve afatshkurtra</b>			<b>34,767</b>	<b>34,527</b>
<b>B. Afatgjata</b>				
Lizingu, Huamarrjet, Provizionet, tjera			-	-

**Lëvizja FOL****Bilanci i pozitës financiare-vazhdim**

Totali i detyrimeve afatgjata

- -

Total i detyrimeve A+B

34,767 34,527

**III Kapitali**

18

Hapja fillestare

- -

Totali i kapitalit

- -

**Kapitali & Detyrimet (II+III):**

34,767 34,527




---

 Mexhide Demolli-Nimani,  
 Drejtore Ekzekutive


**Lëvizja FOL**

Pasqyra e rrjedhës së parasë

Në €

2019

2018

**I RRJEDHA E PARSE NGA AKTIVITETET OPERATIVE:**

Të hyrat e shtyra +/-

2,166

-18,836

**Rregullimet për zërat jo në para të shpenzimeve dhe të hyrave**

Zhvlerësimi i pronës, pajisjeve dhe impianteve

-

-

Dëmtimi i pronës, pajisjeve dhe impianteve

-

-

Amortizimi i pasurive të paprekshme

-

-

Humbjet nga dëmtimi në pasuritë e paprekshme

-

-

Ndryshimi i vlerës së pronës investuese

-

-

Të ardhurat financiare

-

-

Shpenzimet financiare

-

-

(Fitimi) / humbja nga shitja e pronës, fabrikës dhe pajisjeve +/-

-

-

Shp. e tatimit në fitim

-

-

**Ndryshimet në pasuritë dhe detyrimet operative**

(Rritja)/zvogëlim në llog. e arkët.tregtare dhe të tjera

4,982

6,579

(Rritja) / zvogëlimi në llogaritë e pagueshme

-1,926

(5,866)

(Rritja) / zvogëlimi në tatimet dhe pensionet e pagueshme

-

-

Rritja/(zvogëlimi) në të hyrat e shtuara

-

-

Rritja / (zvogëlimi) në detyrimet e tjera

-

-

3,056

713

Tatimi në fitim i paguar

-

-

Interesi i paguar

-

-

**I RRJEDHA NETO E PARASË NGA AKTIV. OPERATIVE**

5,222

-18,122

**II RRJEDHA E PARASË NGA AKTIVI.INVESTUESE**

-

-

Pagesat për blerjet e pronës, pajisjeve dhe impianteve

-

-

Arkëtimet për shitjet e pronës, pajisjeve dhe impianteve

-

-

Pagesat për blerjet e pasurive të paprekshme

-

-

Arkëtimet për shitjen e pasurive të paprekshme

-

-

Interesi i arkëtuar

-

-

Dividendat e arkëtuara

-

-

**II RRJEDHA NETO E PARASË NGA AKTIVI.INVESTIUERE**

-

-

**III RRJEDHA E PARASË NGA AKTIVI.FINANCUERE:**

Deponimet e kapitalit shtesë

-

-

**Lëvizja FOL**

Pasqyra e rrjedhës së parasë-vazhdim

Në €

	2019	2018
Dividendat e paguara	-	-
Arkëtimet nga kreditë dhe huatë	-	-
Ripagimi i kredive dhe huave	-	-
Pagesat e lizingut financiar	-	-
<b>III RRJEDHA NETO E PARASË NGA AKTIV.FINANCUESE</b>	-	-
<b>RRITJA/(ZVOGLIMI)NETO I PARASË DHE EKUIVALENTËVE TË PARASË</b>	<b>5,222</b>	<b>-18,122</b>
<b>PARAJA DHE EKUIVALENTËT E PARASË NË FILLIM TË VITIT</b>	<b>29,545</b>	<b>47,668</b>
<b>PARAJA DHE EKUIVALENTËT E PARASË NË FUND TË VITIT</b>	<b>34,767</b>	<b>29,545</b>

**Lëvizja FOL**  
**Notat shpjeguese mbi pasqyrat financiare**

Të hyrat totale në €	2019	2018
1. Donacionet	120,160	141,214
TEAM DAI Global LLC	25,077	68,978
CILC-Promoting integrity in the judiciary	11,114	33,988
Kosovo Foundation for Open Society - KFOS	39,775	14,100
Lëvizja Fol-Rentals	116	8,829
Kosovar Civil Society Foundation	3,500	5,000
BIRN	1,735	4,830
Royal netherlands embassy	14,277	4,759
SBUNKER	-	730
Communic.for Social Develop.CSD-LEGA Project	2,391	-
Program income-Debate Center	2,102	-
Friedrich-Ebert-Stiftung	2,510	-
Instituti Demokratik i Kosovës	6,130	-
JSSP	3,603	-
US Embassy	7,830	-
2. Të hyrat e shtyra	34,600	32,433
Të hyrat e pashfrytëzuara neto	34,600	32,433
3. Shpenzimet Programore:		
Kostot direkte Programore	22,210	23,313

**Lëvizja FOL****Notat shpjeguese mbi pasqyrat financiare-vazhdim**

	<b>2019</b>	<b>2018</b>
Konsulentët, përkthimet	5,065	8,583
Udhëtimet	1,298	2,516
Furnizimet	-	5,008
Pajisjet	-	931
Shp.e komunikimit	-	2,302
Shpenzimet Totale Programore	28,572	42,654
<b>4. Shp. direkte (Personeli, Administrata)</b>	<b>84,439</b>	<b>110,816</b>
<b>4/1 Personeli</b>	<b>58,554</b>	<b>79,709</b>
Shpenzimet e Personelit	58,554	79,709
<b>4/2 Shpenzimet Administrative</b>	<b>25,885</b>	<b>31,107</b>
Provizioni bankar	414	366
Taksat	-	5
Sherbimet profesionale, konsulencat	4,946	6,302
Transport	87	2,516
Për zyre	2,422	3,378
Qiraja	13,200	11,000
Rryma, uji, pastrimi	2,017	2,087
Mirmbajtje	95	1,556
Sigurimi fizik	540	150
Auditimi	700	1,200
PTT,tel, internet	1,365	2,302
Antarësit	100	15
Printim	-	230

**Lëvizja FOL****Notat shpjeguese mbi pasqyrat financiare-vazhdim**

## 5. Paraja dhe equivalentet e parasë

	31-Dec-2019	31-Dec-2018
PCB - 1110310629010195	33,834.63	21,067.41
PCB - 1110310629030177	678.69	1,582.53
PCB - 1110310629000107	101.31	86.48
PCB - 1110310629070141	-	6,773.67
Arka	152.80	34.96
<b>Paraja:</b>	<b>34,767.43</b>	<b>29,545.05</b>

## 6. Llogarit e arkëtueshme nga grantet

TEAM- DAI - Performance 2018	-	4,982
------------------------------	---	-------

## 7. Llogarit e pagueshme

Për shërbime	122	1,004
--------------	-----	-------

## 8. Detyrimet afatshkurta

Tatimet dhe Pensionet e Pagueshme	46	1,090
-----------------------------------	----	-------

## 9. Hapja fillestare 01.01.

9/1 Paraja:		34,527
Banka		29,545
Arka		29,510
Arka		35
9/2 Llogarit e arkëtueshme:		4,982

## Informata të përgjithshme dhe struktura qeverisëse

Sipas marëveshjes së angazhimit të nënshkruar me Lëvizjen FOL, kemi bërë auditimin e pasqyrave financiare për periudhën që përfundon më 31 dhjetor 2019.

Lëvizja FOL është e regjistruar si organizatë joqeveritare sipas Ligjit Nr.06/L43 "Për lirinë e asociimit në institucionet joqeveritare" me Nr.regjistri 5112424-3 nga 25.06.2009, dhe NF 600186862.

Emri i plotë është "Lëvizja FOL" emir i shkurtër FOL.

Statuti i Organizatës përcakton këtë strukturë të qeverisjes:

1. Kuvendi i Anëtarëve është organi më i lartë qeverisës i organizatës dhe përbëhet prej të gjithë anëtarëve të organizatës.
2. Bordi Këshillëdhënës themelohet për të kontribuar dhe mbështetur organizatën në procesin vendimmarrës.
3. Drejtori Ekzekutiv i zgjedhur nga Kuvendi i Anëtarëve është përfaqësues i organizatës dhe vepron në emër të organizatës.

## Aktivitetet specifike dhe fushat e ekzaminimit

Objektiv i organizatës është:

Mbështja e qytetarëve, rritja e transparencës dhe llogaridhënies e institucioneve publike me qëllim të mundësimin të një qeverisjeje të mirë dhe luftimin e korrupsionit.

Transparenca dhe llogaridhënia e institucioneve publike në Kosovë, është synimi dhe angazhimi kryesor i Lëvizjes FOL.

Aktivitetet kryesore në arritjen e objektivit janë:

- Konferenca, seminare, tryeza dhe takime;
- Puntori dhe trajnime;
- Publikime, hulumtime dhe përkthimi i materialeve;
- Advokimi dhe mbështetje teknike;
- Monitorime;

Adoptimi i Standardeve të Raportimit (SNRF) të reja ose të rishikuara dhe Interpretimeve

### **Adoptimi i SNRF 16 “Lizingu” dhe IFRS 4 “Përcaktimi nëse një kontratë përmban lizing”**

Organizata ka adoptuar SNRF 16 dhe IFRS 4 nga 1 janar 2019. SNRF 16 ofron modelin kontabël për lizingmarrësin, duke kërkuar njohjen e pasurive dhe detyrimeve për të gjitha lizingjet, së bashku me opcionin për të përjashtuar lizingjet me afat të barabart ose më të shkurt se 12 muaj, ose kur pasuria nën lizing është me vlerë të ulët. SNRF 16 në mënyrë substanciale është i ngjashëm me SNK 17 sa i përket lizigndhënësit, duke mbajtur dallimin në mes të lizingut operativ dhe financiar. Organizata nuk ka aktivitete domethënëse si lizingdhënës.

#### *Metodat e perdorura gjat tranzicionit dhe në praktikë*

Organizata ka zgjedhur të zbatoj mënyrën praktike për të mos rivlerësuar nëse një kontratë është, ose përmban lizing në datën e zbatimit të standardit. Kontratat para datës së tranzicionit të cilat nuk ishin identifikuar si lizingje sipas SNK 17 dhe IFRS 4, nuk janë rivlerësuar. Definicioni i lizingut sipas SNRF 16 është zbatuar vetëm për kontratat që kanë hyrë në fuqi me ose pas 1 janar 2019.

Organizata ka zbatuar disa mënyra praktike të lejuara sipas SNRF 16 për lizingjet që më herët janë klasifikuar si lizingje operative sipas SNK 17:

- Zbatimi i një norme të vetme të skontimit për portfoliot e lizingjeve që në mënyrë të arsyeshme kanë karakteristika të ngjashme;
- Përjashtimi i kostove direkte nga matja e pasurisë me të drejtë përdorimit në datën e zbatimit fillestar për lizingjet ku pasuria me të drejtë përdorimi është përcaktuar sikur SNRF 16 është zbatuar që nga data e fillimit;
- Mbështetja mbi vlerësimet e mëparshme nëse lizingjet janë të vështira kundrejt përgatitjes së një rishikimi për dëmtim sipas SNK 36 në datën e zbatimit fillestar; dhe
- Zbatimi i përjashtimit për të mos njohur pasuritë dhe detyrimet me të drejtë përdorimi për lizingjet me afat të mbetur më të shkurt se 12 muaj në datën e zbatimit fillestar.

### **Standardet e reja, interpretimet dhe ndryshimet që nuk janë ende efektive**

Ka disa standarde dhe ndryshime të standardeve të cilat janë publikuar nga IASB që janë efektive për

Periudhat kontabël në të ardhmen, të cilat organizata ka vendosur të mos i adoptojë më herët.

Më domethënëset janë këto në vijim, të gjitha prej të cilave janë efektive për periudhën që fillon me 1 janar 2020:

- SNK 1 Paraqitja e Pasqyrave Financiare dhe SNK 8 Politikat Kontabël, Ndryshimet në vlerësimet Kontabël dhe gabimet (Amandamenti – Definimi i Materialitetit)
- SNRF 3 Kombinimet e Bizneseve (Amandamenti – Definimi i Biznesit)
- Korniza Konceptuale për Raportim Financiar e Rishikuar ;

Objektivi dhe karakteristikat cilësore të pasqyrave financiare

### **Identifikimi dhe objektiva e pasqyrave financiare**

Pasqyrat financiare identifikohen qartë dhe dallohen nga informacionet tjera.

Emri i njësisë raportuese, njësia individuale që mbulohet, periudha e mbuluar, monedha raportuese dhe rrumbullakimi i shumave në euro, janë paraqit dukshëm dhe janë përsërit kur ishte e nevojshme për kuptimin e saktë të informacionit të paraqitur.

Titujt e faqeve dhe titujt e shkurtuar janë paraqit në kolonat e çdo faqeje në pasqyrat financiare. Efektet financiare të transaksioneve dhe ngjarjeve të tjera janë paraqit duke i grupuar ato në klasa të gjëra sipas karakteristikave të tyre ekonomike.

Të gjitha zërat e të ardhurave dhe shpenzimeve të njohura gjatë periudhës janë përfshir në fitim, humbje apo të hyra të shtyra.

Nuk kemi dhe nuk kemi paraqit zëra të jashtëzakonshëm të të ardhurave ose shpenzimeve, as në pasqyrën e të ardhurave as në shënimet shpjeguese.

Zërat materiale të të ardhurave dhe shpenzimeve janë paraqit ndaras për nga natyra dhe shuma.

Pasqyrat financiare japin informacione të mjaftueshme lidhur me gjendjen, rezultatin dhe ndryshimet e gjendjes financiare të dobishme për përdoruesit në marrjen e vendimeve ekonomike, plotësojnë nevojat e përdoruesve dhe pasqyrojnë kujdesin e treguar nga ana e drejtimit për fondet që i janë besuar.

Janë të kuptueshme për përdoruesit me njohuri të arsyeshme për organizatën, veprimtarin dhe kontabilitetin.

### **Informacionet krahasuese**

Nuk ka pasur ndryshme në paraqitjen e shumave në pasqyrat financiare, prandaj nuk ka pas nevojë për riklasifikim të shumave krahasuese dhe dhënie të informacioneve shpjeguese.

Mënyra e prezantimit dhe klasifikimit të artikujve në pasqyrat financiare është në përputhje, ajo është e njëjtë nga njëra periudhë në tjetrën dhe vazhdimisht është përdorur një politikë kontabël që zbatohet për çdo kategori.

### **Deklaratat mbi pajtueshmërin dhe politikat e rëndësishme të kontabilitetit**

Në mungesë të një Standardi ose një Interpretimi që zbatohet veçanërisht për një transaksion, ngjarje apo kusht tjetër, drejtimi ka përdorë gjykimin e tij në zhvillimin dhe zbatimin e politikës kontabël që ka rezultuar në informacionin i cili është i besueshëm.

Për të përmbushur detyrimet e kërkuara nga Standardet e Kontabilitetit, organizata, ka vlerësuar se nuk është e nevojshme që të shpalos informacionet për të gjitha kërkesat.

Deklaratat mbi pajtueshmërin dhe politikat e rëndësishme të kontabilitetit-vazhdim

Organizata ka mundësi të jap informacione shtesë nëse përrupthja me ndonjë kërkesë specifike të Standardeve të Kontabilitetit është e pamjaftueshme.

Në rast nevoje, mundemi me dhanë informacione shpjeguese për natyrën dhe shumën e ndryshimit në vlerësimin kontabël që kanë efekte në periudhën aktuale apo kur pritet të ketë efekt në periudhat e ardhshme, përveç rastit të dhënies së informacionit shpjegues të efektit për periudhat e ardhshme kur është i pazbatueshëm vlerësimi i këtij efekti.

Nuk ka pasur ndryshime në vlerësimet kontabël që përfaqëson një rregullim në lidhje me rritjen e një pasurie ose detyrimi që paraqitet si rezultat i një informacioni të ri apo zhvillimeve të reja që nuk janë korrigjime të gabimeve.

Pasuritë dhe detyrimet, të ardhurat dhe shpenzimet janë raportuar ndaras.

Personi i angazhuar në kontabilitetin dhe udhëheqjen e evidenceve, është me provojë të duhur. Evidencat udhëhiqen në formë profesionale mes aplikimit të softwerit "QuickBooks" me hyrje të dyfishtë nga i cili burojnë informatat për përpilimin e raporteve financiare.

#### **Deklarata e Pajtueshmërisë**

Pasqyrat financiare janë përgatitur në përrupthje me Standardet Ndërkombëtare të Raportimit Financiar për Ndermarrjet e vogla dhe të mesme të miratuara nga "KKRF" dhe Ligjin 06/L-43 "Për lirinë e asociimit në institucionet joqeveritare".

Cikli operativ është periudha 12 mujore.

Politikat e kontabilitetit janë aplikuar në vazhdimësi në të gjitha periudhat e prezantuara në këto pasqyra financiare.

#### **Përdorimi i vlerësimeve dhe gjykimeve**

Përgatitja e pasqyrave financiare në përrupthje me SNRF kërkon që drejtimi të kryejë gjykime, çmuarje dhe supozime të cilat ndikojnë në aplikimin e politikave dhe shumave të raportuara të pasurive dhe detyrimeve, të ardhurave dhe shpenzimeve. Rezultatet aktuale mund të jenë të ndryshme nga këto vlerësime.

Çmuarjet dhe supozimet rishikohen në mënyrë të vazhdueshme. Rishikimet e çmuarjeve kontabël njihen në periudhën në të cilën çmuarja rishikohet dhe në periudhat e ardhme nëse ato ndikohen.

Informacioni mbi elemente të rëndësishëm në vlerësimin e pasigurive dhe gjykimeve kritike për aplikimin e politikave kontabël që kanë efekt material në vlerat kontabël në pasqyrat financiare jepet në Përmbledhjen e politikave të rëndësishme të kontabilitetit.

Deklaratat mbi politikat e rëndësishme të kontabilitetit-vazhdim

**Njohja-përfshirja** në bilancin e gjendjes ose në pasqyrën e të ardhurave dhe shpenzimeve të një transaksioni është bërë kur ka qen reale se çdo përfitim ekonomik në të ardhmen që lidhet me këtë transaksion do të rrjedhë tek ose nga organizata dhe transaksioni ka pas kosto ose vlerë që mund të matet me besueshmëri.

**Matja** është proces i përcaktimit të shumave monetare me anë të të cilave do të njihen dhe barten në bilancin e gjendjes dhe pasqyrën e të ardhurave dhe shpenzimeve, element e pasqyrave financiare.

#### **Baza neto e raportimit**

Fitimet dhe humbjet që vijnë nga një grup transaksionesh të ngjashme raportohen mbi bazë neto, fitimet dhe humbjet nga kurset e këmbimit ose fitimet dhe humbjet nga instrumentat financiarë të mbajtur për tregtim.

Megjithatë fitime dhe humbje të tilla kur janë material raportohen ndaras.

#### **Parimi i vijimësisë së afarizmit**

Raportet Financiare janë përgatitje mbi supozimin se organizata ka aftësinë dhe qëllimin që të vijojë dhe se do të vazhdojë të funksionojë në një të ardhme të parashikueshme (se paku 12 muaj) dhe drejtimi nuk ka vërejtë ndonjë vështërsi dhe as nuk ka synimim apo nevojë të likuidojë ose të shkurtojë materialisht shkallën e operacioneve të veta.

Duhet cekur se në kohën e autorizimit të pasqyrave financiare për publikun, jemi në kohën e përhapjes së pandemisë COVID-19 prandaj jemi ballafaquar me një situatë të re dhe të panjohurë deri më tani, kjo na ka detyruar që të bëjmë organizim të ri të punës, ashtu që kemi organizuar punën prej ambienteve shtëpiake, prandaj pandemia na ka shkaktuar kufizim të lëvizjes por nuk kemi pas dëmtim të pasurive as ndërprerje të aktiviteteve pasi që ato i kemi zhvilluar online duke mbajtur kontakte të rregullta me personelin, donatorët dhe organizatat tjera.

Pas përfundimit do të bëjmë sigurimin e një ambienti dhe orari të përshtatshëm për stafin me qëllim që të sigurojmë distancën e duhurë sociale.

#### **Klasifikimi i aktiveve dhe detyrimeve**

Pasurit dhe detyrimet janë paraqitur sipas parimit afatshkurtër-afatgjatë;

Detyrimet e mbajtura për qëllime tregtimi janë klasifikuar si afatshkurtëra;

Detyrimi financiar që duhet të shlyhet brenda dymbëdhjetë muajve nga data e bilancit, për të cilin organizata nuk ka pas ndonjë të drejtë të pakushtëzuar për shtyrjen e tij për të paktën dymbëdhjetë muaj nga data e bilancit, është klasifikuar si detyrim afatshkurtër.

Deklaratat mbi politikat e rendësishme të kontabilitetit-vazhdim

### **Kontabiliteti mbi bazën e të drejtave dhe detyrimeve të konstatuara**

Organizata ka përgatitë pasqyrat financiare, duke përdorur kontabilitetin mbi bazën e të drejtave dhe detyrimeve të konstatuara.

### **Materialiteti dhe bashkimi**

Mungesa ose deklarime të gabuara të zërave që janë materiale, (nëse në mënyrë individuale ose grupuar mund të ndikojnë në vendimet ekonomike të përdoruesve), nuk ka patur.

Çdo klasë materiale e zërave të ngjashëm është paraqitur e bashkuar në pasqyrat financiare. Zërat që nuk janë të së njëjtës natyrë ose funksion janë paraqit ndaras me përjashtim të rastit nëse janë jo materiale.

Zëri që nuk është individualisht material, është bashkuar me zëra të tjerë në pasqyrën përkatëse dhe është shqaruar në shënimet shpjeguese.

### **Kompensimi**

Pasurit dhe detyrimet, të ardhurat dhe shpenzimet nuk janë kompensuar me përjashtim kur kjo ishte kërkesë ose lejohej nga një Standard ose një Interpretim.

### **Principi akrual (momenti i paraqitjes së transaksionit)**

Raportet financiare janë të përgatitura sipas parimit akrual, kjo nënkupton që fondet janë njohur në momentin e pranimit, kurse shpenzimet janë njohur në momentin e ndodhjes, në shumicën e rasteve momenti i ndodhjes është identik me momentin e pagesës.

Parimi akrual bënë të mundshme që efektet e ndryshimeve, qoftë rritja apo zvogëlimi i pasurisë, të njihen që në momentin e shfaqjes së tyre, pavarësisht nga momenti hyrjes apo daljes së parasë.

### **Personeli-Burimet njerëzore**

Evidencat mbi personelin, dokumentacioni personal, është i arkivuar në file të veçantë.

Përgjegjësitë, të drejtat dhe detyrat e personelit janë të përshkruara në termat e referencës të bashkangjitura kontratave të punësimit.

### **Llogarit e arkëtueshme dhe llogarit e pagueshme**

Llogarit e Arkëtueshme dhe Llogarit e Pagueshme dhe detyrimet tjera të pagueshme janë paraqit me vlerën e tyre reale.

### Deklarata mbi politikat e rendësishme të kontabilitetit-vazhdim

Në raport si llogari të arkëtushme nuk janë raportuar shuma.

Obligimet rrjedhëse ndaj furnitorëve për shërbime dhe tatimeve, paraqitet si Llogari të pagueshme respektivisht si Detyrime afatshkurta.

### Pasuritë

Pasuritë janë regjistruar në shumën e parasë ose ekuivalentet e saj të paguara ose në vlerën e drejtë të nevojshme për ta blerë në kohën e blerjes.

Në vitin aktual ka pasur blerje të vogla që nuk janë kapitalizuar.

Raporti Financiar nuk paraqet gjendje financiare të pasurisë, pasi që të gjitha blerjet kanë ngarkuar shpenzimet e vitit kur janë blerë, kurse organizata posedon evidencë të inventareve të blera nga mjetet e donacioneve.

### Aktivitet e paprekshme

Organizata nuk ka asete të klasifikuara në këtë kategori në pasqyrën e pozicionit financiar.

### Kapitali

Organizata nuk ka paraqitur pasqyrën e ndryshimeve në kapital neto mes dy datave të bilancit që tregojnë rritjen ose pakësimin në aktivet neto të saj gjatë periudhës.

Madhësia e kapitalit të një subjekti dhe se si ai e menaxhon kapitalin janë kushte të rëndësishme për shqyrtim nga ana e përdoruesit gjatë vlerësimit të profilit të rrezikut të një subjekti dhe aftësinë e tij për të përballuar ngjarjet e pafavorshme dhe të papritura.

Informatat e dhëna në lidhje me kapitalin është e dobishme për përdoruesit e pasqyrave financiare për qëllime të përgjithshme.

Detyrimet e Lëvizjes FOL janë 34,767€ prej tyre detyrimi ndaj të hyrave të shtyra është 34,600€.

### Paraja dhe ekuivalentët e sajë

Paraja e disponueshme është paraqitur në vlera reale në moment, duke filluar nga prania fizike në arkë dhe ato në llogarit bankare.

Krijohen nga hyrjet e parave të gatshme dhe ekuivalenteve të parave.

Kemi llogari bankare bazë të shpenzimeve dhe llogari të të hyrave në PCB.

Pagesat dhe inkasimet janë bërë nga këto llogari bankare.

Pagesat procesohen nga Menaxher i Financave dhe Administrates, pas aprovimit nga Drejtori Ekzekutiv.

Bilanci përmbyllës i mjeteve në llogaritë bankare dhe arkë (fq.11) janë konfirmuar nga pasqyra bankare, konfirmimi nga bankat si dhe nga Procesi i regjistrimit të parasë së gatshme në arkë.

## Deklarata mbi politikat e rendësishme të kontabilitetit-vazhdim

### Monedha raportuese

Raportet e organizatës dhe të gjitha raportet financiare të lëshuara janë shprehurë në Eur (€) që njihet si monedha raportuese në Kosovë, kurse konvertimi i valutës tjetër në datën e bilancit është bërë me kursin e 31.12.

### Transaksionet në monedhë të huaj, rreziku i monedhës

Transaksionet me monedha të huaja këmbehen në Euro (€), duke përdorur kursin e këmbimit të asaj date, diferencat e këmbimit të monedhave të huaja qofshin fitim apo humbje, janë paraqitur automatikisht në pasqyren e të hyrave. Në fund të periudhës, pozicionet monetare janë raportuar duke përdorur kursin e këmbimit të vlefshëm në ditën e fundit të këmbimit.

Rreziku i monedhës paraqet rrezikun që vlera e drejtpërdrejt ose rrjedha e parasë apo ndonjë pasuri monetare në të ardhmen do të ndryshojë për shkak të ndryshimeve në kurset e këmbimit.

Në raste kur janë paraqitur hyrje të mjeteve në monedha të ndryshme nga Euro, konvertimi është bërë nga banka duke përdorur kursi momental të bankës.

Çdo diferencë këmbimi që rrjedh nga njohja e një zëri monetar me një kurs të ndryshëm nga ai me të cilin është njohur fillimisht gjatë periudhës, ose është njohur në pasqyrat financiare të mëparshme, njihet në fitim ose humbje.

### Rrezikut Financiar

Organizata nuk përdor instrumente financiare, prandaj edhe ekspozimi ndaj këtijë rreziku është i ulët.

Përndryshi, administrimi i rrezikut financiar përfshin politikat dhe proceset për pranimin, matjen, monitorimin dhe kontrollin e rrezikut, të cilat përfshijnë:

Strukturën dhe organizimin e funksioneve të menaxhimit të rrezikut përfshirë edhe trajtimin e pav- arësisë dhe llogaridhënies;

Fushëveprimi dhe natyra e sistemeve ose matjes së rrezikut;

Politikat për mbrojtjen ose reduktimin e rrezikut, duke përfshirë politikat dhe procedurat e kolateralit;

Proceset për monitorimin e efektivitetit të vazhdueshëm të këtyre masave mbrojtëse ose zvogëluese.

### Rreziku Operacional

Reflektohet si rrezik për rezultatin financiar dhe pasurin e organizatës për shkak të çështjeve të personelit, procedurave të pamjaftueshme dhe menaxhimit e pamjaftueshme të sistemeve të

Deklarata mbi politikat e rendësishme të kontabilitetit-vazhdim informacionit dhe për shkak të ngjarjeve të jashtme të papritura. Organizata kontrollonë këto rreziqe përmes mbikëqyrjes së rreptë dhe reagimit të duhur ndaj rrezikut. Kontrolli do të thotë ndarje efektive të detyrave, qasje të kufizuar, autorizime, dhe trajnimin e stafit në lidhje me revizionin e brendshëm. Organizata menaxhon kontrollin e rrezikut përmes përcjelljes së rregullt të rrezikut, vendosjes së procesit të duhur dhe bazës së të dhënave, mbrojtjen e informacionit dhe sigurisë nga vjedhja dhe mashtrimi.

#### **Rreziku i Likuiditetit**

Përfaqëson rrezikun e pamundësisë për të përmbushur nevojën aktuale për fonde dhe përmbushjen e detyrimeve afatshkurtra.

Rreziku që Organizata të hasë në vështirësi në shlyerjen e detyrimeve të lidhura me detyrimet financiare që vijnë për shkak të mundësisë që t'i kërkohej të paguajë detyrimet e saja më herët sesa pritej.

Niveli optimal i likuiditetit bazohet në nevojën për fonde për 12 muajt e ardhshëm, statusin e likuiditetit të dy viteve të fundit, si dhe zhvillimin e kërkesave të kredisë dhe të nevojës për të hyra gjatë vitit aktual.

Pasurit afatshkurtra janë në vlerë të njëjtë me detyrimet afatshkurt (34,767 €).

#### **Rreziku i Tregut**

Paraqet rrezikun e humbjes financiare për shkak të ndryshimeve në treg të shkaktuara nga: ndryshimet në monedhë, paqëndrueshmërinë e sistemit financiar, ulja e besueshmërisë së bankës, jostabiliteti financiar i partnerave, periudha e maturisë, fondeve, kohëzgjatja e procedurave, hulumtimi i tregut, çmimet konkurruese, diversiteti i produkteve, e cila çon në uljen e përqindjes.

Si rrezik të tregut organizata konsideron uljen e vlerës reale ose flukseve monetare të një kërkesë financiar për shkak të ndryshimeve të çmimeve të tregut.

Organizata nuk ka informacione materiale rreth ekspozimit ndaj riskut nga mjedise shumë të ndryshme ekonomike.

Organizata i ekspozohet vetëm ndaj një lloji të rrezikut të tregut brenda një mjedisi të vetëm ekonomik, kështu që nuk ka treguar ndonjë informacion të veçantë ose analizë ndjeshmërie për të treguar efektin në fitimin ose humbjen dhe ekuitet.

#### **Donacionet**

Gjatë vitit kemi njohurë hyrjet nga të gjitha burimet, sipas llogarive bankare, shpalosja në shënime shpjeguese në Fq.9 Pika 1.

## Deklarata mbi politikat e rendësishme të kontabilitetit-vazhdim

Të hyrat janë paraqitur në vlerë reale në datën e pranimit në bankë ose në arkë. Këto mjete kanë qenë në disponim për përdorim dhe janë në para, në shërbime apo artikuj të ndryshëm. Donacionet nuk janë njohur në tërësi, pasi që nuk janë shpenzuar, pra janë trajtuar si të hyra të shtyra që mbesin për tu shfrytëzuar për periudhën e ardhshme.

## Shpenzimet

Shpenzimet janë njohur në pasqyrën e shpenzimeve kur është krijuar ulje në përfitimet ekonomike që lidhet me ulje të një aktivi ose rritje të një detyrimi dhe kur ka pas mundësi të matet me besueshmëri. Shpenzimet grupohen në pasqyrën e të ardhurave sipas funksionit të tyre. Njohja e shpenzimeve ka ndodh njëkohësisht me njohjen e një rritje në detyrimet ose me një ulje në pasuri.

Njihen me kostot e tyre historike, ato janë të shprehura në shumën reale kur shpenzimet kanë ndodhur.

Shpenzimet janë kalkuluar në nivelin e çmimeve të tregut.

Shpenzimet janë të mbështetura me dokumentacion original, siç janë faturat, kontratat, listpagesat dhe pasqyra bankare.

Shpenzimet direkte në projekte, mbulojnë 25% të të gjitha shpenzimeve të ndodhura gjatë kësaj periudhe pa përfshi shpenzimet tjera operative dhe pagat e personelit të angazhuarë

Shpenzimet operative dhe të administratës mbulojnë 75% të shpenzimeve të ndodhura gjatë kësaj periudhe.

## Personeli

Kostoja e personelit u është paguar të punësuarve dhe të angazhuarve me kontrata shërbimi në përfundimin e detyrave të parapara. Pagesat janë krye mes llogaris bankare me transfere. Përbëjnë 69% të shpenzimeve administrative.

## Shpenzimet programore

Kostoja e programeve është mbështetur me fatura të furnitorëve. Pagesa është e mbështetur me fatura dhe pasqyra bankare apo dokument të arkës.

Programet e zhvilluara gjatë vitit janë të paraqitura në Fq.9 pika 3. të Raportit dhe janë vazhdimësi e aktiviteteve ktyesore.

## Shpenzimet administrative

### Deklarata mbi politikat e rëndësishme të kontabilitetit-vazhdim

Shpenzimet administrative përfshijnë shpenzimet e punës së drejtimit, shërbimet ekzekutive, financave dhe administrates, ato të procesit të punës në zyre për realizimin e qëllimeve elementare (qiraja, rryma, uji, telefoni, interneti, transporti, konsulencat, material për zyre etj.)

Provizioni bankar është kalkuluar në bazë të pasqyrës bankare.

Shpenzimet administrative përbëjnë 74% të totalit të shpenzimeve.

### Shpenzimet e qirasë

Këto shpenzime i takojnë kompensimit në emër të qirasë për objektin ku është e vendosur selia dhe ku zhvillohet aktiviteti dhe drejtimi i projekteve.

### Tatimimet (mbajtja në burim) dhe kontributet

Si organizat Jo-Qeveritare, jo fitimprurse, e regjistruar sipas ligjit 06/L-43, "Për lirinë e asociimit në institucionet joqeveritare" jemi subjekt i tatimit në të ardhurat personale në Kosovë (Ligji 05/L-028). Kemi respektuar ligjin (L-03/L-084), "Mbi pensionet në Kosovë", mes kalkulimit dhe pagesës së tatimeve në të ardhura personale për punëtorë.

Nuk jemi obligues i Tatimit në të ardhura e Korporatave sipas ligjit 06/L-105 "Tatimi në të ardhurat e korporatave" pasi që nuk kemi realizuar fitim gjatë periudhës fiskale.

### Kontributi pensional

Pensionet janë kalkuluar sipas ligjit të aplikueshëm mbi pensionet. 5% janë paguar nga i punësuarit dhe 5% nga organizata.

Organizata nuk ka Fond pensional të vetin as mundësi të pagesave në formë të akcioneve, për të punësuarit, në këtë bazë nuk ka detyrime të identifikuar më 31.12.

### Palët e lidhura

Si transaksion me palët e lidhura, ku një palë ka mundësinë e kontrollimit të palës tjetër ose ka ndikim të rëndësishëm për palën tjetër në marrjen e vendimeve financiare dhe biznesore, për transfer të kërkesave dhe obligimeve (kredive, kontratave afariste me punëtorë dhe biznese të ndërlidhura me drejtorin ose me ndonjë pronësi të përbashkët), nuk janë identifikuar.

### Huazimet

Huat njihen me vlerën e tyre nominale plus shpenzimet shoqëruese si tarifatat, skontot e mundshme dhe shpenzimet tjera lidhur me huan. Huat që janë të shprehura në monedha të

**Deklaratat mbi politikat e rëndësishme të kontabilitetit-vazhdim**

ndryshme nga Eur regjistrohen me kursin historik dhe rivlerësohen me kursin e fundit të vitit në datën e raportimit.

Diferencat e këmbimit pasqyrohen në pasqyrën e të ardhurave dhe shpenzimeve qoftë si përfitim apo humbje.

Kostot e huazimit njihen si shpenzim i periudhës në të cilën ajo është krijuar.

Shpenzimet e interesit regjistrohen në bazë të metodës së interesit efektiv dhe janë përfshirë në shpenzimet financiare.

**Provizionet dhe detyrimet e shtyra**

Të ardhurat e pashfrytëzuara-të hyrat e shtyra nga viti 2018 (27,451€) në vitin 2019. u trajtuan si shtesë e të hyrave të vitit, kurse ato të fundit të vitit 2019. (34,600€) janë treguar si të hyra të shtyra në fund të vitit.

Krahasuar me vitin 2018 tregojn rritje për 7,148€.

**Rezervat**

Nuk kemi nda rezerva financiare gjatë kësaj periudhe.

**Dividentat**

Si OJQ jo-fitimprurëse, nuk kemi deklaruar shuma të dividentëve të njohurë si shpërndarje neto gjatë periudhës dhe vlerën përkatëse për aksion.

**Zotimet**Nuk ka zotime që lidhen me shpenzimet kapitale, lisingun financiar ose operativ.

**Pasurit dhe obligimet kontingjente**

Nuk kemi raste të evidentuara të gjykatës ose depozita lidhur me organizatën, drejtorët ose punëtorët e saj që mund të rezultojë me detyrime në të ardhmen.

**Ngjarjet pas datës së përfundimit të periudhës së raportimit**

Ngjarjet pas datës së bilancit të gjendjes përfshijnë të gjitha ngjarjet deri në datën e autorizimit të pasqyrave financiare për publikim.

Si ngjarje me ndikim që rritë pasigurinë dhe është duke ndodhur, konsiderojmë përhapjen e pandemisë COVID-19 që ka shkaktuar kufizim në lëvizjen e njerëzve. Qeveria ka marrë një sërë vendimesh dhe ka ndaluar përkohësisht operimin e shumë veprimtarive ekonomike.

Kjo krizë pritet të ketë efekte të rëndësishme ekonomike për subjektet, qoftë për shkak të kufizimeve në prodhim, tregti, konsum dhe shërbime, ose për shkak të kufizimeve në qarkullim.